



09962

李季重五
品稿



李季重五品稿題

薛國公

兩清圖

北海友人趙秉憲題

余識季重於其為孝廉季重
薦南宮余從闈中拔之交倍
暱此時季重已破萬卷薦有
詞名既而宰邑佐罷落二不
得志乃稍遷為計曹郎篋中
所著益富海內聞其詞名者
益多余時栖遲雲門之麓季
重彙其稿以貽余余惟近日
文章家厭李王而以文長中
郎為豔然揆其所業大抵詩
不免蒐晚唐之異者叅以宋
人之雄者文殆取蘇長公之

小文足致者雜以佛語稗說
為新刻而其豔以不李王故
亦取詞人相勝之奇耳季重
結撰時二與豔者相似而清
真冷透一往軼塵別有以自
暢故季重詞名當不在文長
中郎下而不尤一一刻畫文
長中郎此其燁然成一家言
也因題而歸之

乙卯孟夏望日

五品稿目錄

詩

賦

雲賦

鑄錯賦

古樂府

名都篇

白頭吟

莫愁樂

首二

飲馬長城窟行

行路難

楊白花

首二

公無渡河

無家別

遊俠篇

梅花落

飛來雙白鶴

時世粧

五言古

詠竹

送昌伯麀

田家行

內鄉七峪道中

偶讀唐詩

清明掃墓

荅贈沈比部

和李仲昌

酌突泉

睢州吊張睢陽

孟縣

汴城感憶

睢州蕭寺

河北望家

濟寧湖上作

抵家聞雁

劉祝陽太史

詠金人

玉人

石於

泥人

木人

草人

覽鏡二首

初入計曹

甲辰之歲

宋先之招飲

懷王李木

燕中宦遊

與李明馨約遊

楚中袁州平

秋日吟句

浔公孝與書二首

七言古

詠蛩

臨邑城東

計偕不遂

出內鄉城

瓦屋店

錢晦之督餉甘固

友人夏茂才

新城王季木

七夕在外作

歷下黃明府

都門贈王季木

和劉子良

脩武馬貞女

濟廟

感遇

首三

冬日休衙

過黃河感賦

祝阿逢公浮來

寄贈劉范董

德州靖難歌

老去也

首二

喜王帶如至京

入都資斧甚困

何太僕孟門

石駙馬宅歌

燕中詩

淨業寺水上

淨業寺東

滇叅藩楊師

王庫部呂容

易酒行

冬至拜闕

傲劉長卿

又自作

五言律

太行山上

首四

出邑城送客

首二

秋日坐王涵仲齋中

為令滿考感成

春日休衙

首二

順陽仙陀寺

首二

陳州宿郊外

首十二

內鄉北山中

送許震李季賓

關山月

隴頭水

唐藩却太和樓下

許震秋試歸

首二

春日陵邑

庚戌閒居感成

首二

築書室成偶賦

首二

夏夜吳高二丈過宿

木綿失望

首二

寄問劉祝陽

首四

韓鼎宇侍御經過

首二

邢疏之以新詩示

首二

濟南同趙大之遊

首二

侄端偶病

歲幸有秋

首

浔公孝書感成

首二

題僧家達磨像

首二

漢口舟中

首二

贈陳子素進士

首四

再至睢州

睢州寓周茂才家

首二

寄彭伯允

首二

寄壽馬龍臺

首二

渡沁河

八老詩

首八

牟別駕秋日遣訊

歲暮任否休遠頽

首二

冬日寄候趙先生

首二

萊陽任孝廉

首二

宋中郊外蕭寺作

首二

雪中無梅

偶觀唐人句

首二

宋地逢春

首三

春初憶王季木

首二

贈侯茂才伯仲

首四

答贈劉孝廉念劬

首二

虞城贈楊先生

首二

答贈李憲溥

首二

為人作泰山殿詩

首二

春深王季木

首四

李仲昌索近日詩

首二

李仲顥過話

出郭觀禾首二

楊茂仁文學首四

春日得趙嘏翁書首四

河間道中首二

途值館省諸公首二

夜宿良鄉首四

昔先大夫首十

都中晤孫太史首二

贈元靜初給諫首二

呈呂九如先生首二

寄邢民部仔予首二

劉青岳中秘首二

楊茂仁謁選首四

雨中即事首二

儀部王康宇比隣首二

姑蘇沈幼玉首二

送丘似林首二

送過成山侍御首二

沈太玄先生首四

慰李仲昌

獻縣贈劉幼孫首二

美人三上首三

美人三中首三

美人三下首三

河間道中微雪首二

仲兄忌日

過高陽贈孫兵部首二

馮工部招飲首二

冬日自寬首三

官舍舊有魚池首二

冬日得宋先之書首二

何處難忘酒首二

不如來飲酒首二

市中望北山

遣悶時將改歲

春日何海若

紫荆關有感

五言排律

挽李子田先生

汴中古相國寺

賦得江春入舊年

候少司寇呂新翁

良鄉道中

候方相公

遊太寧山寺

七言律

介休拜郭有道墓

黃河舟中

與冒伯馨

送公孝與入都

詩

仲兄書室

過河憶親寄伯兄

詠綠牡丹

和李少庄太史

兗病因憶亡

衙齋夏日

順陽和公太史

西峽口窪尊石上

李窄客先生

程藩理招飲

房淡師中舍

得公孝與敬與書

王季木

九日後

奉寄趙官元先生

寄公孝與

沈湛源比部

答贈李應論

秋初遊濟上首二

濟南偶感

秋霽

都下贈張給諫首二

贈曹見素光祿首二

贈劉范董侍御首二

挽邢罔卿首二

犁丘首二

寄彭伯允首四

贈商丘丘元禮

汴中贈竹居宗彥

龍江沈相公首四

初秋別王司理

座師孫淇澳先生首二

汴中岳武穆祠

馬見素給諫首二

河北望太行山

偶遇徽歛人首二

冬日自梁寄楊茂仁

冬日自梁寄楊公彥

講院中與郡太守首二

得李仲顥書

陳州蘇湖上首二

孔子伐木處

歲除感撫今昔首十二

宋中兩得公孝與書首三

答贈楊大中丞首二

表節要侍御首二

得黃民部豫蒙書首二

感成首四

夏猶唐茂才

春溪托人寄公太史首二

邢文宇招飲園中首二

寄劉范董侍御

計曹之命下

過德州謁程肖我首二

途中遇張給諫

涿州守左崑樓

蘆溝橋

入都即事

借寓

入都贈宋先之

送成為蒼

高鳳翥先生簡招

宋先之招飲

惠安伯園中之集

湯民部闇生之甘固

浔公賓王祭戎書

送蔡中山尚寶

夏日齋居

元靜初給諫

即事漫成

和公敬與雁字詩

送孫宗伯先生

送董昆星

贈馮元成先生

贈李我存工部

潁內鄉張沈二生書

同曹田莘野宋瀛渚

高大行中白

秋日抵里中

禹城劉生

吳張高送別

德州晤程肖我

鶯簧

抵易州夢父

兕兕生日

向密雲由都門外

密雲河上

王侍御襟海

兕兕日

冬日亭前松樹

冬日亭後竹枝

臘初食粥

遣訊王季木

歲晚感懷

劉柱史過易

宮人入道

愛妾換馬

除日兩得李方伯書

黃金臺作

春日高王遠頌

吊霍光祿夫婦

夏日衙齋

與周中虛飲

荆軻廟

七言排律

卧龍岡

由源泉

晚坐見月寫懷

追昔感今

五言絕句

內鄉署中

洛河上

夏日過小淮河遇雨

考城雪中

陳州謁少皞陵廟

伏羲畫卦臺

大雪

葵立驛

上先大夫墓

王直常遠來祖餞

景州董仲舒詞

出京門望西湖

思家

京邸積雨

詩

圖

九

京中所見二首

八月初旬驟寒二首

秋杪促裝二首

夜雪早起方覺二首

長安道十首

五花臺二首

六言絕句

太行山上淮陰祠墓二首

開州子路祠墓

過漠水

過汝水

延陵掛劍處

八龍塚

冬日過濟河

伏生墓

金鄉過范張祠

東方朔墓

良鄉夜行

七言絕句

詠犂丘

峭山

峭湖

浥河

盤河

齋中寂寂四首

昭君怨

夏邑河上二首

順陽仙陀寺中四首

內鄉七里

三戶城

丹江水

白崖山

菊花潭

熊耳山

馬山口

老君山

湍河水

琦玕洞

哭尤首二

許昌吊古

南陽吊古

哭女首二

哭子首二

濟南僧寮夜宿首二

初秋曉雨

夏猶唐過訪

晤王帶如廷評首十

雪中南行首二

口問手

手應口

口復應手

河上阻風首六

贈劉茂才首二

詠史首十

冬日考城懷江總首二

哭劉子良太史首六

和伯允牡丹首十二

抵家晤馬茂才首四

吳張高三茂才枉顧首二

許孟輿首二

邢疏之首二

友人楊茂仁首六

陵縣與侄士端別首四

德州渡口首八

燕京曲首十二

夜起見朝

送李民部歸關中首三

過栢林寺街感舊首六

得太谷賈四塞書首四

送李為興計部首二

七夕值雨首二

寄公敬與中舍首二

揚州李碧海太史首十

李仁宇工部首四

琴塵首二

書塵首二

景州道中

過涿州贈左崑樓首二

大水峪觀塞外首四

冬日遣訊王侍御首十

冬初任否休過易首二

次沈幼玉侍御韻首二

夜坐聽漏首三

十二月宮詞首十二

殘冬無雪首二

喪女

春仲生子

夏初衙齋亭竹首二

再飲王氏園中

楊花詩首二

賁首二

耕首十

賁首二

仲首四

舍首

詩稿

濟北李若訥季重甫著

賦

雲賦

維圓象之布形鮮激虛之無跡風忽荒而涉塵雨紛
綸而若滓霜雪凝於肌膚雷電錡於眼耳詭色味以
露屑侈妖氛以霧市在山之陽在水之涯嗟吸鷓鷯
而非攫拏噫嘻有之雲吐其華謂倚近兮縹緲斗槎
謂撫玄兮霏郁含飶觀天文而不禦擅物狀而相加
錯糾非組織之巧輪菌詎雕削之誇自其膚寸合成
轉盼蜂午徽倅如續綽約似舞去腴腴而不迫來蕩
番而快靚撒之介眉睫之交縱之出陵谷之府元氣
藹於欣欣化工動於栩栩借碧落為烟波橫蒼狗為
榜檣萬頃任一葦之飛層綃係千片之組於是媻媻
異態雜沓多端車馬恟怵牛鼠盤桓赤珠白鶴恢詭
而嫫媻玉葉金柯霄煜而紛攢忽結構於空瀾旋帷
幕於巖巒戕冠大紳之隱隱仙鬟佛髻之珊珊乃有
最妙於染拂其尤自然於覽觀含月華以彩素映日

氣以霞丹垂兩脚而玄黑簇山腹而青藍至於八表
同陰九垓共覆救曦爨星彌峰應谷指鬣隼之層層
挹黯黹之簇簇奔集如萬隊投其逐洞森如羣枚銜
其肅馬鬃滴溢於紛橫瑤華散滿於密蓄頌畫灰之
唐史惕恒陰之博陸駢非晦冥以頓開芒芒乃變
幻以難卜既而清風引霧寬生曠昏四掃摩蕩一平
徐非烟而淡宕積非霧而輕盈色色麗屬於卿霄重
重朗接於赤城非天家之竒瑞則仙境之精英披跃
曼而廣爍吹蕭華而遞呈威鳳絀其苞采見龍埒其
文明發揚之榮華殆盡綢繆之宛曲斯傾然後往必
復洩必收瓌瑋而閒寂寥廓而瞭眈眈於輕舸之返
棹渙於列伍之息予氤氳之容未改喻吐之氣尚留
餘彩如帆影之在水遥烟如岫色之乘秋空際霏而
難挽沙邊歛而易投靜姝婉以顧戀不足倣其夷猶
壯士賦以枹櫬不足掣其歸休有涯者色象無定者
沉浮是以冕笏為朋軒車稱客入依重瞳之日出踐
九級之石長風跬步惠露咫尺倬直挹之宴間退朝
披之踧踖齋然目送之餘栩栩形飄之夕愛纖微而

點綴覺深湛而渙釋莖藻火以頓忘脫絛錠以獲適
若夫塞上聯管行間露板遍祁連而蕩胸起瀚海而
侵鬢點染醍醐之卮錯落噴吭之棧鼻火焱以俱飛
口腥蕩以同洗擁旄駢坐而下卧戈連鬢而展每枕
藉乎星霜豈離合乎仰俛傾馬首以囊雲割烟光以
充鬻至如蓑笠田隴鋤鑄區封瞿瞿祝禡搢搢冥卷
鬚眉與炎塵並絕肝腸與冽雪交衝條飄拂以輕靄
遂沁入以春容密樾承而竟體踈躡跡而無蹤刈一
天之長練開萬岫之深籠復有塵鞅之表巖泉之右
薜荔為衣芙蓉充袖剗除霄漢之心攔束霹靂之手
坐水竹以曠觀卸風塵以邀扣紫翠怡於持頤蒼茫
忘於生肘日涉則玩為家珍時對則狎為野友卷舒
心目之繆悠往來陰陽之窈糾板台雲之為物方將
造化相忘紛華者艷其紅紫迢遞者迷其淡黃農畝
者與玄而晻隱居者與素而翔干霄非一二之狀排
空備品彙之光彼飄飄其何慮亦種種以類方大塊
浮游之如此吾生習稔而莫詳

鑄錯賦

冶爐無加於鼓化成器疇多於孕人陰陽旦暮而橐
籥情態彼是而鄂鄆宇宙熾炭難竭苦海之津風雲
嗟火未驅凡界之塵故鑄者依無涯以成萬形錯者
根無相以迷萬趣品彙通玲瓏之自然鬼神阻攢杼
之相誤八荒之肖貌雖恢五竅之叢慚無度然則謬
以徑寸為多病以元神得痼况魏博六州之鐵減於
豐鎬九府之金節使百鍊之手遂於天子三宮之心
幽厲何毗乎錢布桑孔虛觀乎眇針主德爽而靡補
臣策認而誰任是以撫膺涕淚太息蕭森捃撫慈石
之一鼓扼擊鏌鄒之千尋已矣梓慶之削嗟乎魯廟
之箴牙將血已沉碧紹威恨尚沾襟豈非擁燾不可
以轉轉列戟必戒乎釁缺纖微或躐於局緘潰溢詎
遠於殄絕喜噴判疆圍之脆堅威福際籌維之環玦
是以兔腎激昂於歐冶而不能銷帷幣以橫軼較涎
滅沒於黑金而不能滌肝腸以惻愷夫錯途不均於
轍錯情不共於源乃有結束酬主黽勉試言目馳昂
鉉之想心骸鉛錫之灼胸有癢而美疾腕有鬼而觸
藩累害等於鈇刑誑誤沉於盆窳塞三錫之銛利刮

九遷之鞭韃身名有貽伊馬才行徒取謹誼至若干
金之子萬石之智勤心諳乎銷融儉德堅乎鏃錘偶
紉籌於車子之蹇乖時匱巧於銅山之屯躡鎔銖爽
時京垓委地青舛違其伎倆赤標撓其心臂垂堂之
惕旣弛食鼎之听改喟或如匹馬烽烟長纓倥偬剛
腸萬里以雄飛銳膽百回以孤聳帷幄失於諦思矢
石虛於空涌官渡恨稚子之摧堅陳濤嗤儒生之鈞
重鑠流迅於交睫折敗駭於旋踵杓鍛非呼吸之策
鉛割非棍批之勇轟然而驕頽然而恐至於儔謀偶
赴彼倡茲從豺虎潛於袖刃芝蘭撤於飯鋒口述若
飴心冷如蛩擻蹶距以疾鏃抉枝幹以柔鋒歲月更
而損寤約誓皦而已竟擧溲在咫尺之近昆侖即曲
席之逢又如獨念絲抽片心較運似皎皎以含鏃或
錚錚以竦奮朗徹遜於鑑空蒙惑即於器壘偏隅棄
葦覆之廣沉溺眇曠揆之分攬蓓蕾而遺葦穎顧鐘
籠而眯律韻猶豫不前蛙蟻乃忿態色勞猶龍之鐫
妄想笑非馬之鈍或有對症藥拔頂門針加曉曉他
山之石凜凜啣鎖之蛇翻覆亦時鼠首紛贅竟以積

牙鄙慮如愚虫之就縊迷途如狂客之忘家愍不受
於雕鏤淪斯委於泥沙綽約與猛銳旣判雜鉛與真
汞自邀將伯之呼而鋒交於車拊心之悔而矛不及
擗嗟乎錯形則一為質良殊幻於錢刀之詭儻違於
金玉之良模重繼厚集其工頑者非在區隅風胡妙
呈其技箴者非係昆吾縱使尉遲揮斤力不遜龜鍾
離焚鼎用不遺銖惟一誤莫挽以風雷即寸隙且潰
於江湖裂眦千古失足斯須擢髮萬方蹈險庭除故
大小之域皆魏博也今昔之事均鑄錯也天字高而
銅儀度地維侈而鼎象約日月亘而玉壺收蛟龍奇
而劍文削俯仰玄黃鋪張寥廓可以匠心為形應手
成郭由洪及纖据茲溯昨援有象之粗質模無方之
大乍譬之索駒餘於唐肆植卉木於帷幕乎哉六州
之金鑄不成節使之錯至今稱顏以歲粧一片鐵換
人面孔抉人情

詩稿

濟北李若訥季重甫著

古樂府

名都篇

京師號陸海海氣涵冲融寶藏隱心目旭日破波紅
珊瑚脩尋丈鐵網競其工我疑驪龍幻雲霧渺難通
珠類無涎湧所居似鴻濛蓬萊與瀛閩神異眩波中
只恐犀未燃聞或怪瑋叢望洋不可近耳阻后尤風
為雀勿為蛤銜恩且自窮不須校飛泳但祝生相同

白頭吟

人生園中葩款艷在方吐灼灼多繁華及時迅攬取
朝攬紅隨風午攬紅隨雨晚且見紛披碧存葉空舞
數日成搖落殘黃侵塵土人生陌上柳娟娟綠作絲
早暮縈烟色含吐俱相宜將眉共柳比生妍復生姍
東風顰亦好西風畫亦悲花旣不經年柳復不凌雪
總使耐久存看多成故劣阿堵無親踈乍見即情別
當時乍見歡今日他人迭梅菊飽霜色尚且有時飄
縱蓄歲寒心賞者但丰標炎涼萬狀極方寸為誰描

莫愁樂

莫愁湖上楫芙蓉
隨楫沒安得盧家
娘蓮心出泥涵
藕絲長如纜鳥吻
不能齧

又

莫愁柳裏樹桃花
如柳絮盧女好顏
色吹芳不及曙
燕子似有心不妨
雙脚去

飲馬長城窟行

長城如鎔鐵水流
瀆不絕平時戍番
迭飲馬嘶聲徹
但覺渾侖沙不覺
暱為血弓未在手
日在腰征塵多
於胡塵屑朝聞點
兵將令頻半是兵
身半錢折可憐
鎧甲似傭春家家
空憶寒更雪

行路難

不必太行山不必
羊腸坂惟燈有火
不生叵幽谷有
蘭不成畹從來官
道無紆邪短轅犢
車驅豈遠縱然
駿馬誇蹀躞寸壤
蟻封翻偃塞明明
息壤數片言轉
眇陵谷劇相反當
筵猶憶舉觴人醉
後都忘麴蘖本
七首堪胸不需軻
虺也噬人毒且狠
城魚偶緣已自
非蛇草相驚那得
穩人生處處失馬
者塞上老翁見

亦晚

楊白花

楊白花如雪不如霞霞飛向天上雪落向天涯舉目
見白雪已盡四時早暮霞輕斜

又

楊白花點鶯不點鴉鴉集七夕橋鶯弄三春華鶯聲
易共花容散不如隨鴉秋色餘秋時楊柳惟枝在從
來折枝不折花

公無渡河

河流如矢公無渡河渡河中流風起層波河中無風
淺深若何河中有風傾仄實多安得舟習于鰲篙狎
于荷安得踏水如踏莎不遭蛟龍與鼉鼉咫尺兩岸
可相見兩岸瞬息有差訛去時片雲猶在目回首驚
雷已失他渡河險於登山阿登山有時無危嶺渡河
無水不漩渦河流如矢公無渡河

無家別

結束事明主千里匹馬去辟如大海中尺鮒不知處
骨肉暫相闊奴僕安能助城頭片月生晚暉疑早曙

落地為男兒失得爭飄絮空復多浮沉自任心口語
陌頭一廐車乘者不如御御但知路長乘乃懷路阻
吁嗟亦何言鴻飛與鵬翥

遊俠篇

人生羨膽智天質足權竒湛湛一吳鉤結束相追隨
希樂空擔石子房奮沙椎登高擒猛虎泅水斬蛟螭
周處晚折節合抱戢其枝報仇身更完輕財家不虧
長安卿相尊郡國壯夫推頽視局踏儒終歲縮鬚眉
寰宇如席大苦不容膚肌縱心游廣輪拚得便男兒

梅花落

和花和霰迎風開金谷梓澤影如泐月中綽約雲中
舞珍重西風與作主紛紛欲落復欲停碎瓊片片惜
飄零少年呼觴盡醪醑只恐明朝綠鬢星忽然樹頭
疑作雪憶叵征人衝寒別一枝芳蔭仍堪折夢後花
神似決絕近日梅英苦作憐京洛家家護益鮮封姨
縱使喧迷天落來猶在庭堦前誰知飄遠猶不見坐
對摧殘翻淚面朝朝夜夜長安中唐宮已失梅妃眷

銅雀臺

高臺雲霧颺四起，隱隱總帷仍。照裏君王不歸顏色，
萎生前金屋已成圯。噫吁噫，繁華止，英雄難挽江河。
流粉黛，豈堪烟月徙。曉風有聲，渾無韻，臺邊只解吹。
沅水路，旁不識麒麟塚。地下誰尋，氤氳使，有秋不如。
鄴中多樹，大枝繁，霜亦累鴻飛。無復共鶯啼，寒暄但
滿樵薪耳。彷彿妓歌化鳥音，翠裙碧草，知誰是，銅雀
咨嗟當塗高，遂巡恐有遺香履。

飛來雙白鶴

刷羽雙振高，脩然青田鶴。纖埃渾如浣，四翼何皓皜。
宛自緱嶺居，采赴漆書約。一鳴驚鷄羣，千里脫鴻緲。
稍近林逋孤山頭，開籠縱放白雲幕。但使清真相偏
飛，不愛冠貂與印鵲。子喬蘇耽，西後身丰神，仍是形
骸錯。主人邂逅不鮮事，供他賞玩，遭他縛。即令鏃羽
藥欄棲，何如聯翩烟雨落。遂巡却悔雙來非，簷楹頻
逐占風鐸。休教更遇煮鶴人，月逸遙揆嵩與洛。

時世粧

近年時世粧，京都傳四方。髻連翩，無上下，油髮梳。
成膏耀光烏，怕壓眉纒一。寸不須金鈿，只鴉黃似將。

女態學男飾燕尾攪攪一樣長家家爭艷玄妻目傲
鬢擗雲未可詳市頭賣髮如賣貨青鈇擲于千絲償
六朝朝士施粉面今日妖姬愛髮粧此粧真成時世
粧



六朝朝士施粉面今日妖姬愛髮粧此粧真成時世

六朝朝士施粉面今日妖姬愛髮粧此粧真成時世

詩稿

濟壯李若訥李重甫著

五言古詩

詠竹寄楊茂仁茂才于沂陽

秋容如穎禿獨揮叢篁色一篠一檀藥粧點幽居側
滴佐翠丰神挺為蒼標植泠泠更虛中風入霜不蝕
偶集或鴟聲恒期在鳳德此君素乃孤素臣我亦特
家臨泚水上願作琅玕食恨不移數竿種秀沂之壯
霜月一同佳冰玉仍相識贈竹不贈梅將無厭容飾

送冑伯馨南還

昨霜今作霰漸見雪滿途雪結成水色畏途此返廬
馬嘶六出花對雪唱驪駒君狎故鄉去我狎故人俱
枯桑與海水風寒各有趨共君談別理我李君如蘇
黯然望河梁蘆鴻似相呼飛禽佐客語天涯以偶于
涼燠中肌骨如蘭差不孤

田家行

邨中無匙漏鷄鳴當鍾鼓五更三四鳴耕夫已在戶
荷簞尚鷄聲啞啞雜新雨凌晨開霽新農扈十將五

前草理苗奮平坳除塲圃碩視屋隅陰
曩日已過午
嶮嶮蓼燭續機頭照絲縷村鷄亦晚棲
鳴更又堪數
頃刻黑甜中幻與君王侶神怡錢鑄人
榮枯如市估
內鄉七峪道中歷菊花潭有作

壯出萬山突雲石相糾繆驅車如激矢
矢羽沒石愁
七峪當絕巘四顧風颼颼馬蹄踏屋角
人家宵樹頭
須臾過山半石側即平疇清潭可見底
菊落紅霞稠
傳聞菊水壽挹拍想仙流仙杳花源誤
溪林火代眸
田家落牆滿總向潭邊收曉醒習山徑
黃花匝地秋
山容行者怪處者嗒然休

偶讀唐詩有云錐為尚書郎不及邨野人
因成一
篇志為令之况

銅章不直錢賤之為小吏愧乏姑臧節
每同菜蕪累
衣冠似濯濯資斧時不致風流盡省人
冠蓋亦勞瘁
乞得大官錢未能素中備朝罷夕已貧
蚤蹶難附離
羨彼素封家乃饒如山積朱提堆篋筐
赤標佐題記
篝燈夜按篝登壠朝足智世風媚黃金
狐醒鳳翻睡
及手熱官違水人冷語至莫恃玄白心
楊雄非解事

清明掃墓時有先大夫之戚

潛愛歸來詞，褒慚蓼莪。白山林依丘，隴出郭。白楊樹，
樹聲似人聲。嗚咽將淚注，收涕撫松楸。晴餘解氣霧，
先鬼幸無餒。陳人感昔遇，父參岳牧雄。兇理湖山趣，
升沉付斜陽。翼足迅烏兔，路旁值耕夫。指頤仍馳驚，
翻羨衣冠人。來拜衣冠墓，吁嗟陽羨春。不逢春夢姬。

答贈沈比部湛源

我家不買山，向山傲翠微。三春苔滿砌，有恨蘭蕕違。
憶昨傾臭味，雪霰撲雙扉。挑燈瑩芝宇，麈尾六出飛。
明發輶車往，山中獨釣磯。寒奈乏遠志，水寒餌已非。
鍊石想功名，侯河徙光暉。白雲憐宦拙，似練裁初衣。
莫染青衫淚，祇為素交揮。歲華感魂夢，仕路減容輝。
相思復相約，君豈借輕肥。

和李仲昌贈五峰道人詩五峰與泰山相近

道人無姓氏，借姓五峰上。五峰乃岳孫，岱門遙相望。
撲翠萬層巖，天風吹儻蕩。依山即為家，曠韻收遐暢。
結夏玄堪脩，長春塵不障。夜靜玉繩低，禮斗香烟颺。
縈作室中華，散與雲成狀。空同豈渺茫，廣成在素尚。

我友我同姓高山生慕向二李標十八無限探幽况
煨芋亦何竒夢筆殊無相長源與太白道氣原俱王
小草余方悔餐雲非惝恍儵然一和訶山靈嗒無恙
釣突泉黃明府席上有作

颺急泉流駛歎珠復飛雪但使坐冰壺腸胃俱芳潔
自我墮塵鞅十霜與泉別重來逢素交淡然片心折
如馨故鄉水嚼向蘭言屑碧筒牽玉絲丹藕連雲截
盃底三王龍三巡清可啜秋色照芙蓉寒濯腰間鐵
臨流淬攬撓紅色長堪揭且暎鷓鴣飛片片膏光徹
世態逐湍瀾道然劒首映

睢州弔張睢陽

睢陽城下水春寒咽不流水旁沉碧血有烏泣鈎斬
寸心焚未化恍惚礪吳鈎安知猪兕刃不假厲鬼抽
雀鼠食已盡虎狼噬亦休嗟哉虎狼斃僅為雀鼠酬
吊古不能去俠骨獨雄道

孟縣是舊河陽因過有作

朝戒沁河楫暮抵太行雲雲中出睥睨帶郭掛斜曛
城頭暎西字河陽隱隱分昔時花滿縣爛于披錦文

我來當秋劇見草不見花栽花既乏種擲果乃無車
遙指東籬下紛紜亦落葩陶令非潘令河陽少菊華
一嘆應歸去仍余五柳家

汴城感憶疇昔先大夫參藩時事

驅車入夷門東風已將去塵市嗟喧卑冠蓋空軒翥
低回二十載都作垂楊絮昔時父薄宦清真如竹箸
今日兒薄宦婆婆寄冷署飽閱升沉跡撫心只暗疏
揉作塊羅綿汴水仍堪瀆縱乏驅馳思頗覺江山助
風物異時同往還梁與豫道旁值三老識我猶相語
重來問渡人情淚但沮洳歸然復吹臺浮雲輶猶與

睢州蕭寺

翻閱大藏有作

錦襄有寶坊閑至祇林淨脩羅與毗尼洗洋理無竟
小坐蘭若時亦握松談柄楚楚西苾芻開篋陳縱橫
但知像法真何礙禪宗鏡綺語雖成障潮音詎非性
大藏為大海珊瑚故相映漁人無鐵網望洋翻伶僇
亦有頑空人誤認維摩病若疑佛不言文殊貽名姓

河上望家

經歲客河上城郭似家鄉忽然一水過始悟父參商

片帆帶修阻萬木蔽徬徨故廬數楹小宛在北山陽
越鳥雖飛遠一枝舊不忘安得增四翼瞬息作迴翔
男兒孤矢志豈以槍榆妨所嗟老無成何若歸且康
縱之西施寵不改東施粧其柰卮施事此身尚姑嫜
顏衰竟棄婦先為覓歸航

濟壺湖上作

俄驚綺陌塵都洗清流色為有千頃波如縠復如織
近湖青兗西遠帶淮徐壯居然廣原中暮成一澤國
往來數輕舸欸乃入溷汙東風緩未颺荷菱尚潛匿
惟見湖畔遙杏花燦可識道旁諸父老鄉水情惻惻
未似武陵漁獲彼胡麻食所恨踪跡累况復家園逼
寒暄雖漸多眉宇不堪飾垂老非衛玠者多翻成忒
不能學邨郎故步或無惑盈盈一水中羨彼春鴻翼

抵家聞鴈

一夕山園暖還家如鴻翔西足代西翼千里識故鄉
入門席未帖玄夜聞聲長細向碧紗色窺見自瀟湘
影月成人字隨風呼未詳孤響終渺渺披衣竚倚徨
憶昨梁苑下伴我雪中裝辭南復趨北同來濟河旁

塞余駐濟北爾乃仍遠颺欲別蘆塞去數聲宛似商
遠識謝陽烏說也有屠羊

劉祝陽太史次公茂才遣人追送于德州時太史
已逝愴念今昔遂成一篇

夏雲隨風生驅馬平原疾尺書如涼颺吹來心快溢
關械宛對面欵欵且但膝容裏耐寒溫十能道其七
餘情僅二三在腹不在筆一死更一生別離亦成一
憶昔南宮客珠明兼玉粟蕭朱朱陳合托交良秘密
寸心傾于丹一身去似漆陌路盈軒車波汎相紛滴
鳳毛尚眼中龍門瞥已失縱然到長安風沙散雲霽
此意向誰言五月寒瑟瑟

詠金人

欲借祖龍焰鑄人如緘口不知鍾鼎畫可資銘勒否
太白虛長庚安石嗟夢酉空名貴雙南人救或同帚
躍冶不受形似亦厭塵垢

詠玉人

剖璞即肖貌雕鏤少天質叔寶固神清握塵非潤粟
飾人類飾葉技成而道失羊車亦儗俗枉羨眸如漆

死有刑形災終慚陵陽秩

詠石人

剝出雲根色似帶青山姿雖無烟火氣介然少轉移
偶名作翁仲地下陳人知諒非精誠化斧斲空復為
剛面少肝腸風霜久見虧

詠泥人

埏埴亦多事分形陶化中一經模範後材用或不同
增以丹青色竟為塵埃容土與水俱合將無爭競叢
瓦全亦粗質土梗何能終

詠木人

剝木復牽絲鬚眉亦磊磊浮生面孔多到處俱傀儡
綺繡雜似忝藻績原非采將無麒麟楨能假不能詒
線索更有人人與人相待

詠草人

凡卉本無知芻靈不終夕縱令費束縛詎堪繁摘擗
懸城愚敵人身翻為射的敗絮充其中隨風散如荻
儻結報恩心仍需匹夫力

覽鏡二首

經年不覽鏡面目似闊踈忽開青銅色相對不知子
但見鬢髮短疑是何蘧篔壯心尚突兀安得老已虛
室中妄喫藉君美故逾徐欲乞廣寒光一為破碟胥
又
經年方覽鏡如起層綃累鏡中滴瀝生却疑淚光墮
比校向來顏駿老仍駮駭感慨陳人存周旋寧作我
髯叅與短簿想像終無可休教飛上天三五迅電火
梅花失照中顛顛柳生左

初入計曹自述

十稔老賢良民曹新除注青袍照二毛遲晚亦遭遇
頻年領簿書移官未移趣勞人愁度支驕人誦粉署
國計無米炊脫巾譟邊戍肉食饒石師言言堪借箸
書生為小吏弱齧學飛羽垂鞭日暮歸仰屋心口語
簡褻誤歲華所試非予慮但願漆室人盡作彤宸助
甲辰之歲捷于南宮知交過從再入都下昔遊寥

寥矣因成一篇

昔入春明門故人頗綈袍軒蓋芬秋蘭襟吐續夕膏
星河有參商碧翁且不逃升沉况陵谷安能帖波濤

龍門如蕉覆逝水難揮刀騎馬玉河畔指憶青雲曹
恍惚餘霞外有響落清璫新月湧嵐起倏掛玉錄高
頽形少儔侶但去掩牢慙錦坊花樣改何事舊絲繅
兩手計工拙隨時也似饜

宋先之招飲惠安伯園有作

京華灼火宅出郭清于洗十步饒芬芳踏蘭即踏蘚
名園蒨蒼中層雲落仰俛攜友穿雲徑神怡忘足蘭
酌我金屈卮俗累頓為翦酒兮甘露滴花也天女變
俯楹葵榴紅榴深葵較淺葩艷一堦殊泠冷均所貯
藉花亦茵草蘿莎不堪辨旣共蘿依垣也同莎依畎
醪酊但滿觴我法無龍涎此意君知不明朝續良宴

懷王季木時在里中

王子吹鳳聲在鳳為鸞鷺五色燁于霞乃寄青山邈
不上萬年枝太平雀同啄一片紆干頭何如生處樂
長白近爾家佳名作副嶽連亘云亭隈亦依岱宗角
還歸鷄尚佳頻來鳳將獨世人眩苞文鷓鷯差忘較
我今置樊籠羽毛乾不濯能言謝鸚鵡能適愧山鷺
未供主人娛徒憂虞者提所憶竹千尋干雲將成幄

所傷柳萬條烟霧紛且督總使柳藏烏烏白未數數
與君食琅玕共免霜色剝

燕中宦遊良困得家報麥秋僅五十石偶以車行
輓傷人不火斃予之麥幾半乃釋自嘆所遭

宦薄如田薄遊困仍農困銀錢五品崇麥廩百石遜
輿隸驚彈寇隣里笑負券家貧差有車無人工推輓
猿亡木蒙殃禍福乖所顧糶未充食區金已抵怨
纔寢蹊牛災早成觸羊過長安無大嚼歸去且笑噴
昔有鄭家驢無故井中遁今有李氏車傷人轍一寸
秀才多不利滑滑良深恨將如高鳳踈讀書麥已溷
與李明馨約遊西山

但膝羅輕飄絲絲作秋縷遙縮翠螺痕鼻間映栩栩
况是長安夢客醒逢涼兩快哉一片石遠橫秀仰瀨
滴滴斜陽西不帶五陵土遊子浣塵容逸思紛欲舞
口頰艷芬薌籃輿在談麈君忽生雙翮我將成四羽
善緣幾學猱偕咲頓忘虎宦素俱成空入山入珍圃
相約月逾弦白雲禪指豎壺負尚書期勿孤青山主
黃倬星太史招飲書齋叢竹相暎併示新篇因作

太史本越秀遊燕素無緇借宅不離竹隱囊葱翠垂
招友友詎俗如鶴集王時舉盃挹清影一色透玻璃
細嚼雜竹汁心骨仙風吹齋庭僅盈丈儵然睢園奇
仍疑柯亭上宛有音雜絲况此弄笛人驚波幻龍姿
清聲將逸氣竹醉客停卮七月秋陰解廣寒縹緲期
瀛洲本仙境簞簞豈凡枝詩成生羽翰先遣琅玕知
禁中袁州平乃滄孺計部之長公余得見其詩集
因賦以懷州平

騷派演湘沅蘭生特馥秀所託庭樹滋復借磁石茂
翡翠耀飛鳴鶴鷄吻皆繡新詩字字珠奇者走盤溜
訝為鬼仙才君身長吉後自我操柔翰如舞乏長袖
老輪斷不成成風乃天授虬髯遇公子欽局知虛謬
錦綺遠難貽何時向階扣

秋日吟句未成偶催租至既而續之

拙宦少金錢苦吟忘饑渴然髭字未安里胥來咄咄
推案口難翕隱囊肌如割佳句能驅瘴官逋驅不脫
為語刺促人眩朝禾已鋤方探市中估聊緩門前喝
躑躅仍推敲沉思漸磨豁風雨過重陽前句續終未

吟興良有神半為鬼朴奪寧可履寒霜休令遭狂飈
詩成飯顆山杜瘦亦存活

得公孝與書中近况有感

穆陵依魯望太史居其旁八年如兩墮濛濛未能詳
尺書寄雙鯉烹鯉感亡羊長安已久別纓紱損相忘
金馬昔陸沉割肉不條腸碧山今焚魚似厭禁鬻香
人生艷仕官九遷意未央君獨十四載詞林老秋霜
才高足不捷蓬萊翻太行化工如鑑影此理亦難量
聞君汝南上西風吹培牆我乃似陶令不得嗅餘芳
頗喜離彭澤返轡見柴桑齊汝五百里雖遠俱吾鄉
蟹裙與鶩脚貧厨無肯嘗籬邊一盃酒西地各盡觴
白雲非有主領畧慰悲涼中年乃末路去矣勿徬徨

歲盡

浮生四十三荏苒歲將晏通籍久為郎畫餅十年官
慵作能言鳥恐烹不鳴鴈聊俯鷓鴣枝雲霄無尺鷃
羽毛尚蕤艷但嗟陽秋幻東隣如韭菘富貴咄嗟辦
齊人求讒鼎魯人應以質巧啗相如遲傲嫌叔夜慢
躡躡物序非賦詩吾自諫

其二

中途萬事駛驚喧
覓清晏流光如沅雲
息心在薄宦
微名應馬牛
始進悔羔鴈
學作逍遙篇
遮莫談鷓鴣
自分爭三捷
不如安一幻
說空與說閒
愚朽俱能辦
周客笑韞石
世論隨真贗
托分原有恒
為漫非成慢
秦子酷自責
劉倫不足諫

詩稿

濟北李若訥季重甫著

七言古詩

詠蛩

遂遂五更蝶夢醒
蝶影蛩聲亂復迴
盈刻漏月痕斜
併入微風撲碧紗
風中不辨蛩與漏
披衣諦聽冷
冷透此聲未似祖家鷄
只向愁人細窮究
人愁分數比蛩愁
畢竟平勻西半秋
黑顛生被催成白
雙劍篋中積繡稠
無端今夜劇相逼
何事此聲更不息
寒機聊共細君評
名汝為蛩字
但織

臨邑城東演馬庄是文皇靖難駐蹕處感作

山城遙掛西斜陽
林樾層層野鳥藏
磊落當年作戰場
四駿如龍濟水翔
先鋒已到華不注
威帥摧頽鐵使懼
犁丘攬轡演追風
洗却凡馬應無數
踏盡東秦十二齊
岱林聞秣不聞嘶
隔水忽疑雲萬片
仍驚擲下錦障泥
萬乘功成歌天馬
餘響砰隱村之西
渺渺燕金駿已失
倭虜承平逞剽疾
纔說鞭稍是符堅
更向靴尖雄兀木
爾曹非馬亦非驢
龜茲為驛安足休

但令中駟演天家也免胡塵萬里出

計偕不遂作燕臺行

明時宮闕靄五雲紅也為缸紫作氛一自太宗披神
武宇宙劃然識真主醫無閭邊葱鬱開燕昭霸煇捐
塵土近日壯風感慨多金臺遺趾想逝波皇家清平
頓六窳郭隗區區詎足多西山片石凌突兀築臺萬
丈也非過渾河化佐渥洼水麟趾裹蹄金更美名馬
未來已捐金雲錦桃花艷堪比滅沒天機難鑿別玉
絡晶瑩亦快矣我朝燕薊足精鏐曾聞治國黃金同

土酬

出內鄉城至漢江口見桃花作

漢上折腰三載後朝朝案牘忘澣漱匹馬問俗出東
郊忽見繁花叢作繡千樹偎山千樹江樹頭樹底飛
如闔時至蹊桃總不言花間女手破春痕笑折一枝
增冶態愁回半面減芳魂不必封姨作花祟已被邨
姬覆與翻脂粉浣却潺湲合恐有桃源避喧雜長年
操篙如拄筇再三詢之但如嗒陶令當時是晉人秦
時父老不相親紅雨紛紛已將盡舍旁乘春種黍新

瓦屋店問民疾苦成長句

驅車夜投人處宿犬吠鷄鳴知瓦屋居民避官向壁
伏為言來詢歲荒孰雙眉一面人俱蹙寥寥稻梁澁
儲蓄山田查牙刺枵腹市頭剗肉竈頭粥拾來橡子
詎充穀掃得松枝不滿掬昕夕存亡應未卜門外追
呼一倍速東家持筴賣圈豚西家拋耕解犂犢城中
但完半歲租邨中已令一家哭田課商繙只此身七
尺真悲骨是髑里閭復有素封家金為券書虎為僕
官長或能緩程期膏梁不鮮悲窮獨償公償私阿堵
無鬚眉雖具賤同畜使君盤中但一粒民間珠璣將
半斛早知仁父朗垂青焚香盥手迎華轍居民語竟
涕亦零我為相對悲簌簌吏道不辰厄陽九蒼生旁
午遭百六為官記取為儒時縮綸尚有青氈幅苦心
欲作監門圖瓦屋枯禾與毫禿

錢晦之督餉甘固佐此懷之

萬里烽烟迷四塞嘉峪關頭虜信亟黑河西海層層
氛甘州固原烟如墨天子深居司馬愁農卿倉曹輟
賤食軍需正輓關東轍并鍾一石憂悒悒近年徵餉

若徵鬼人人幻吻陽城拙居者坐嘯行者顰枵腹三
軍僵寒雪忼慨使君手作籌渭水黃河一萬艘聚粟
紛綸如蘋末盈盈吹入玉闕頭張掖酒泉原漢郡也
田故跡今仍留能如渤海堪犢佩不必祁山作馬流
李生瞿然文復弱安足從君叅帷幕只應歸種犂丘
由輸租縣官不須索

友人夏茂才猶唐過飲

陶令家緣荒徑裏當窓稍剪青莎起門外忽聞剝啄
聲故人求仲來且止盤飧一肉間十蔬隣家送酒酷
香美醉看二十年前事無數莫期只彈指夙昔同游
鄉校中壯心婆娑今已矣我出誤成小草名君應莫
遣青山滓白雲如席兩滌觴人若知心天也喜中年
絲竹無音聲末路芝蘭有知己稍待西風颯颯生隴
頭細話禾生耳

新城王季木枉過留飲因成長句

三月東風花草香細雨洒之如靚粧有客匹馬輕羅
裳來從長白白雲長我家涕壯即柴桑為君改作輞
川莊社中佳句同畫譜霏霏翰墨將雲吐風騷响答

官商諧吳郡濟南似膠柱近日楚音稍解絃不是詞
人誇跋扈酒酣憤慨高才委劉蕡射策空名耳傾城
豈必遭殊恩明妃有泣忽雷恥饒君舌在今無用酒
口相知但飲此古來酒人不醉心一寸靈犀湛秋水
醉鄉到今西王侯酒星千載仍李子獨醒何事招人
指

七夕在外作

明河如練月痕新輕烟組織未成輪露白風清烏不
栖秋光樓上影復迷共道令宵是七夕舊題牛女又
新題為問橋邊綃有淚隔年酷似鮫人意相好看珠墮
向明河玉繩縈作相思字曾把金針月裏穿好將機
石槎邊記此事渺天涯秋光復幾家獨恨盧仝逆旅
嗟年來錦樣已多差七夕情賒恨亦賒隣女巧剪他
人華他人不及七夕鴉

歷下黃明府送別五龍潭此地有觀察張公築亭
并公生祠張舊亦為歷下明府

為別依然潭水上泠泠細雨連波漾使君竟體蘭相
倚池畔論心芬欲颺拚將濟水化名酒似借黃鑪作

家釀却悲此地多萍水形影盃中秋幾徙清潭亭子
是誰成昔時仙令洗俗滓掬向空旻雲有鳧飛鳧天
路清風起今日使君阿堵中隱隱芙蓉西風耳習池
不見醉如泥覘首徒看淚彈指吁嗟潭中仍有龍一
寸心期潺湲裏任他魚服漫相輕黃公不似葉公鄙
都門贈王季木

燕中金賤不如鐵王郎屈指都無屑騎馬頻過氣穿
雲健骨沉姿真人傑我乃不羨王郎才王郎有心寒
瑩雪塞余坎坷一病夫肝腸亦復比湛盧感君意氣
呼且舞舞罷撫劍想吞胡眼中且看反覆子恨不揮
斬取頭顱恰與王郎俱齊產辟如徐吾將李吾男兒
有劍女有績合燭流光照東隅世間自炫機絕手從
他吳宮寵遇殊

和劉子良太史京城大水行

見說愁霖黯帝京帝京天鬱祈不晴馬鬃一滴深一
尺九衢但聽瀉盆聲驟滿衝奔似河溜相聞砰隱訝
龍爭市肆十家九閉戶烟火稀踈滯不行行人闐寂
長秋側稍見鬚眉破壁明牀頭兩具張為幄竈外塵

泥疊作屏少婦不粧老嫗泣桂薪一束直金籬更有
黃門驚共語大內瓊宮也漏生紫禁城摧十餘丈玉
河橋畔蛙蟻鳴侍臣寓直不得入欲借仙槎到內城
豈緣天上銀河洩赤管堦前太液盈無聊試向都門
睨白河誰分濁與清吳越漕艘漂似梗蜀黔採木散
如萍二百年來無此水君王深居亦係情昨日倉曹
一粒米只恐珠璣不盡傾黃髮公卿虛嘆惜皂囊建
白更連弁安得倉儲同兩注脫粟貧家也作羹

脩武馬貞女詩貞女未嫁而守者邑侯為之三嗣

詩

有女生在嵇山下玉骨埋向嵇山野藁砧雖是結褵
非枉說鶴隨已鸞寡素心不必識面皮芙蓉憔悴江
天肥為有姑嬈雙垂白此身久已屬庭闈二十年來
孤鸞舞鏡中留影原無主嫦娥虧色不虧清廣寒別
自有三五微軀曾借使君知女貞木下寄生枝寒燈
葦蕭共兒活九原嗚咽翻成嘻今日磨笄亦已矣女
身如石心如水巉巉雲映太行東泠泠預河流成綺
眼中多少綺羅人轉盼別舟新與陳上有綠筠下碧
血泣盡東風不帶塵

濟廟在王屋山下石明府招飲因作

濟源如珠濬山流濟廟如峰鎮源頭大禹乘橈神用
道懷褰帖帖洪波休四瀆濟水出中州王屋山前靈
氣收山靈呵護水怪愁辦香一縷俎豆脩我來遡源
崇獻遊古祠紺碧簇琳球肅謁庭下階繡稠穹碑漸
剝費雙眸明府懷古意冥搜一樽小集廟之幽感慨
歎歎停不飲微禹吾其與魚謀席前山水千年故但
憶黃龍曾負舟王屋之下愚公子雲孫不知幾代週
斧斲籠擔億萬度片石似仍巋然留大禹何巧愚公
拙功成力絀安能倖縱然山靈訴天帝應笑匹夫與
石仇吁嗟移山良謬悠

感遇雜言傲絕體

世人伎倆工多較塞余非鷓亦非鷺世人捷勇雄逐
鹿蹇余失庖并失祝讀書滿腹不直錢為官空囊愧
食肉通籍十年無名譽風塵跋躐心猶縮瓜期已近
不聞遷鄉園室費油花卜元元閑曹似掩關出門雪
霰仍方趨相逢眉睫恐相嗔仍笑支離與樸檝縱披
十丈繒不及一尺縠况是年來花樣新亂杼參梭未

成幅鑿壁偷他隣女光隣女偶將蘭膏撲豈是余生
百不宜咄咄佳牀只仰屋明月如珠透篋生當窻攬
之亦盈掬人間匿照難匿明三五有時遍岩谷

其二

前車已覆羊腸邊後車駸駸尚未旋舊人方從畫橋
去新人躍躍自爭妍誰家蓄馬不棧豆何處晨炊不
望烟兩濯風吹情未歇應為芙蓉五月鮮我亦翛然
去雕飾其柰秋江屬棄捐藕絲雖長葉不牽蓬蓬左
右共波漩花心雖苦總為蓮馥馥殘芳孰可憐昨日
紅顏秀兩頰今朝華髮空半顛逐逐欲共蜂衙疾羸
使風濤已暮年東郊一片芳草地衆馬偏駛我偏躑
紛紛同拾金丸好金丸入手復渺然男兒有心亦有
命七聖資財好自便

其三

成則為王敗為賊勝負從來非人力西施自蠶東施
慚妍媸總是因生滓浮世全然不減增丹質本紅墨
兮黑自昔受簡編往跡粗能憶頻年閱仕牒時才頗
亦識造化分明九孔針隨人繡出鴛鴦色逐日誰消

夸父渴補天竟是女媧惑將肉貼面面不粘羶逐獅
脩各差忒眼裏空華只任開空中道貌無雕刻但博
人間閑作身閑身亦自冗如織火宅熱處思清涼耳
露終然不可得佛力詎能伸鈎曲佛心詎能揉絃直
嗔喜逢人十丈塵漠然甘守吾鷄肋

冬日休衙觀養生書因成一章

中歲嗟蛇無可好頗愛黃庭有玄奧叅同悟真共鼓
吹黃婆玄牝非杳鑿識却元神即上丹綿綿嗑吸一
縷導水火龍虎俱堪尋未斥鼎爐事丹竈掩卷流光

詩一

四

十

已自馳浮生氛霧誰能掃微名竊竊笑蠅貪劣性紛
紛同蟹躁面皮皺為心腸曲髭髮蒼綠伎倆耗每見
青山似解頤青山跂武終不到總聞鸞嘯蘇門聲阮
籍心情翻多傲徘徊始信道書非縹囊千軸都粗糙
若將讀書悟養生高山流水何關操勝負窓中看霧
縑升沉壁上懸飛瀑左拍浮丘右洪崖道兮可道非
常道

過黃河感賦

前年渡河河水合今年渡河河水合岸上杏花如繡

紛波流綺文疊相雜來人原是去人身來時仍帶去
時塵寒暖已更顏色老休令河水照愁鬢徘徊欲借
洗余腐河中舟子櫓佐語洗面面上多妍媸洗腸腸
中有絲緒若使黃河可俟清多少人心清似醕半生
幾度泛濤行只與行人見如許九曲迢迢萬里流濁
河之中豈吾汝

祝阿逢公浮來中舍

春風簫鼓紛聒耳冠蓋歲徃從帝里邂逅不知將避
驄迫之乃是公仲子君南我北俱祝阿東皇花信相

逢喜曲席冷冷蕊頰新君今長進我仍鄙挹杯旁頤
小詩奚奚囊傾出雙錦綺一篇七字七明璣點點鮮
華綴如葉笑說長安錦坊中核頭新樣多相似上林
不復賦陳人甲兮烏有乙亡是津津賞艷口涎生快
于哀梨溢甘美才思酷如白舍人使袍攜得花為紫
自慚昨揮司馬淚抱向琵琶無繁指勉佐新篇一贈
君得君便自叶宮徵

寄贈劉範董柱史按宣大

驄馬如龍從如雲道是埋輪劉使君英蕩節于丹陛

分青囊給印重千斤暫離鴉班踏塞氛披霧爭看冠
惠文上谷雲中雉九軍英聲一鶻擊矜礮近日卜酋
諸路紛雖少烽燧也燒焚欵虜娘子負山旻胭脂山
下淚痕數使君登攬吐奇芬繡谷劃處信不聞炭山
黝墨耀朝曛灰河融暖生綺紋男兒有氣蕩氤氲疆
塲金繒非功勳龍比肝腸稷契筋獨鶴翛然在鷄羣
水期抗跡報天子斬取樓蘭酒尚醺

德州靖難歌

安德城邊雲似頻輕雷隱隱天揮斧躍截猶記王師

詩

十一

驅燕氛猛銳吳氛苦將軍白面李九江趙括兵書膠
柱鼓旌旗慘淡白溝河無數枯楊泣縷縷將血沉碧
士流丹月樣橋頭骨已腐鐵守曾揚灤水波盛師復
折交河虜真人如龍脫絛緜天子不教誅叔父四駿
再來萬馬靡南軍為鼠壯為虎夜半風鶴晉家兵行
間袴褶贈等伍金陵宰相闢虛聲枉使螭頭淚迸雨
方黃剖碎比干心其柰江南羞呂姥此地今來狎承
平咫尺瀛南毗三輔斷鏃殘戈不可尋銷金厝火駭
生羽文皇河山天險層漸產豺狼併縵輸莫愁瀚海

愁潢池近聞烏合乘風蠱紈縉中權浪識兵操觚子
墨雄吞吐一朝白溝水染渾廣川平原逐黑土當年
空詫鬚戟張不如姚師髡而武丈夫寧學張王瞿能
死勿佐平安竟成虜

老去也效薛逢二章

老去也隙駒駛于歷塊馬今歲蒼顏去歲赭過去鬚
眉難圖寫流光捨人人未捨憂聾憂盲不憂啞七尺
伎倆如汰瓦諸態俱窮口猶瀉碌碌浮生何補者渴
梅竟阻庾嶺下

詩一

其二

三

老去也馳驅不及廣莫野逢塲戲劇誰真倣嫫母隨
人學容冶妙音捷舞差瀟洒莫為雪唱人知寡屠龍
技成刃空把到老無龍可沾惹蹉跎違俗多嗔罵尚
少綈袍憐湏費

紀錦衣二首

濟北無山亦無水幻出錦衣姓為紀叩馬文皇片語
投如擊生羽羽搖綺入朝手典羽林軍七貴五侯迎
屣履生兮鼎食沒鼎烹錦衣自謂亦足矣

又

紀綱咄咄青氈儒一朝遇合長風呼小才大命亦不
副車子借錢錢終逋昔人種菜為英傑轉眼穢繡已
成屠至今人惜執金吾

喜王帶如至京有佐

薊門一片綺陌塵居停湏臾作主人我來猶帶青衫
淚得爾繼至始舒顰有淚不妨丈夫色有鹽不學婦
人身五陵輕肥費塗澤倏然相視披豁真棘寺民曹
距咫尺但得同官勝買隣自慚老大如薑桂從來性
質兼温辛温或投合辛多棄眼底紛紛足喜嗔却怪
懷中一尺刺總不投人只向君

入都資斧甚困又聞家園久旱賦以志感

去家遊宦宦亦惡宦得家音惡如昨燕市一米真成
珠齊州一滴難為怪人道京洛佳誰知食肉翻食藿
人道故鄉好魯酒更比燕酒薄官舍無閒可種秫山
中秫復旱如爍為祝紇干鳥急飛總然飛去何方樂
日暮垂鞭歸賸有妻兒謹讀書不讀計然書撐腸狂
腹豈耐嚼磬折為謝妻與兒飲茗誰知勝散酪到處

留得吾舌存何妨嗟哦且盤礴試看庭中蘭與藤盆
生蔓生不相若

何太僕孟門以詩集見遺賦以謝之孟門乃大復
先生孫少宰震川公子

瓠水鴉山產才子新詩貌山復貌水姿韻生嵐流成
綺化工筆端與舌底傳寫忽罄長安紙萬挺隄糜磨
潘渾贈我一編朗如珠魚目千圓當愧死先朝君家
祖父名至今芬馥滿人耳胎簪秀色撲寰瀛遙亘空
同雄何李洪爐精焰鼓鑄多不盡乃有令我爾王孫
一匹槌花駒愚公亦抱欵段耻廣陵妙曲原神解惟
許稽康芬牙齒誰能再振信陽音壁中琴瑟鏗于此
齊竽我頗違俗指

石駙馬宅歌登名之日嘗與同舉候青州趙太史
師憇此今愴然而作

中朝都尉如簫史戚里瓊樓曾鳳起我生不聞簫入
耳簫殘鳳去樓在此市人但呼駙馬里朝士頗嗟駙
馬徙我昔釋褐長安中曾同朝士坐曉風吾師太史
鳳覽空蓬閣仙人瓊樓東羣仙來謁咫尺通似有參

差羽翮。今時無復倒。徒者陌上飛。沙屋上瓦廢。宅
仍稱石駙馬。同遊舊事渺難寫。向晚鴉栖鳳樓下。城
角如聒簫。如啞。世事悠悠。澹變桑梓澤之雲。燐火光
法雄寺裏。舊汾陽。蘆溝橋畔斜日黃。第宅居徙何足
傷。石駙馬不及鳳簫郎。

燕中詩

燕中市人。鎧浮波喧。逐早暮水漩渦。坐看東流迅已
過。年年徒手涉江河。生來不知粟與禾。但知秔米白
如。嗟日隨軒蓋。相婆婆。曹丘矢口爛。翻多十指不動

工。摩娑肩輿輕疾細馬馱。不然傭書巧襲說。不然執
鞭與荷戈。竈下無炊足。饅饅宵燈照盃豈。照梭望梅
畫餅。即活計。妖朱賦粉。詡纖羅。灼灼官子亦太惡。大
官金錢借養痾。郭隗致士今何似。燕臺空復雲嗟哦。
安得春風吹谷黍。不食大官食。天和慚余旣無鄒生
術。歸去陶家秫幾何。

淨業寺水上遇江陰繆吉士當時因作

招提瀟洒當水碧。宛如白蓮帶露液。燕中十丈京塵
積。到此滌為王千尺。偶然風度瀛洲客。縹緲仙裾水

風襲來尋淨域清西腋猶嫌木天勞刻畫聞君申浦
白雲適薰脩久似彌天釋京華不改達磨壁水上依
依君山脊此水直與凡流劃天家太液遥相濤波聲
微聞帝樂拍君更延陵天韻格冷冷不愛絲肉劇笑
挹潺湲境已隔清流何礙停九白菱藻亦可天人宅
我如行汲慚盤璧大笑差堪大道索誤疑此水曹溪
脈盈盈恐有點頭石

淨業寺東有一小菴水竹隱映僧肅客入能談佛
理且述此菴乃陳宮監所造作長句示之

詩

揆幽揆浥化城東僧寮小占雲青濠一泓綠水萬竿
玉脩然不吐芙蓉紅水畔草生香復潤淨域翻宜蒼
髮蓬苾蕩手握松柄尾寂寂何嫌客子通客似永嘉
謝靈運僻性于水更于空僧學洛陽圖澄子肝腸洗
却還腹中佛座一編維摩品載載拈出印宗工不二
無文染淨盡未必磨足不試礮我舉室義聊相難舌
本蓮花開玲瓏頓覺西方在震旦透肌浸骨竊松風
僧復摩松憶往事白頭宮監求福地大內施金金似
塵諸方老宿軍持至天家佛國共閻浮千劫招提有

蕭宇不緣功德托浮屠安得薰脩傳法嗣宮監已朽
天界存黃檗猶問西來意水竹依依掛錫幽何妨叅
禪頻折芰金粟不遇脫靴人山門堪與留帶記只恨
髮短未能髡多少髡頭無斷臂淨業寺旁講法僧與
君且佐逢場戲

滇叅藩楊曉屏師黔中人相違二十六年矣忽遇

于燕中感極而佐

阿師龍井浴人龍口吐驪珠媚川容合浦逶迤幻奇

蹤疇昔濟河度淙淙光如片月鵲山重臯比風韻齊

詩

圖

十六

儒宗雄呼巴唯捷扣鐘廿年南北音難從隱隱乃在
金秀峰洱海紫氛忽映濃使車褰黼金沙鎔舊日齊
鯨仍勃庸燕中珠桂寂如蛩一朝光霽捐早春形容
稍變不變半徐剖微言暢曲棕離別半生殊遭逢世
事盈盈飯吐蜂咄嗟蘭陵琥珀鍾醉人面頰醒心胸
胸中壘塊三尺鋒廿年漸似繡匣封秋高月冷慚芙蓉
阿師龍劍且劔松

王庫部呂容以佳石相示石僅三寸許而瑩如玉
舉向明而石內彩色可挹乃抑之又不見謂是

女媧補天石因成一篇

女媧石不盈尺王君寶之如朋百出于筐中誇示客
客王把玩但深碧忽然睨視見光澤霞明靄聚石中
赫眼生華萼口流液心激宛若繡肝鬲迫取不能但
嘖嘖羞殺珊瑚與琥珀將無神工方煉獲至今五色
含如赤女媧補天盡瓌琦此石偶向人間擲三寸石
分三寸天煉成不用王君惜乾文內朗無人剖恐有
六丁攝其魄十襲牢珍休浪看留待碧翁有時圻
木綿不多為完租而盡歎成

吾鄉活計資木綿白如團粉紅如臙粧點霜前霜後
色錯落村南村北田富室大家與窶子朝朝採掇忘
餐眠只緣春夏恒陽災秋兩商羊與埜鸛木綿十株
有七枯陶家荒却二頃半常年種秫不療饑今歲種
綿復成漫妻兒奴僕絮未畢傾筐都為官租散掩關
太息嘆生涯豚蹄空祝不盈車明將烹牛賽田祖犢
解犁空倍可嗟書生齷齪多甕算鬼笑從他粲齒牙

易酒行

寒風蕭蕭吹易水荆軻漸離俱已矣燕市酒人仍有

名俠骨如生醉不死高陽風味千古香易水釀成醅
清美家家酒望浮層雲遊人認是荆卿里當日人傳
酒亦傳悲歌忼慨劇相憐今時人去水空在市頭但
知售酒錢彈絲吹管千鍾盡誰能更解筑藏鉛我來
沽得百錢者滴滴巨羅可盈把微醺壯髮亦支冠壘
塊胸中澆不瀉只恐劍術疎未成細嚼一卮缸欲赭

冬至拜闕

山城去都僅咫尺長至微晷生衢陌嚴更鈴柝漏聲
參疊鼓喧闐催曉白緋衣蒲伏學嵩呼北望紅雲簇
如射遙憶天家進翠裘漢官一線繡復抽亞歲不聞
開左个皂囊紛綸披殿頭可惜温然脩畧續好遣絲
綸補袞旒微臣一星亦繫屬空腸蠶蛹無綢繆縱然
竟體俱組織殊智安能與錦投自慚長日全無技不
及蛾眉刺鳳虬

做劉長卿小鳥篇

小鳥無名依簷楹羽毛半濯霜兩聲旭陽未得全身
向也附多禽嘈嘈鳴山鷄文章鸚鵡語燕子栖梁鶯
啼野雙鶴別自作清流蒼鷹氣尚終難圍尋爾小鳥

將何為無憐猶恐長竿隨高可林樾卑委地貪食無
心祇自知但願主人勿相逼銜環銜書敢忘德書或
不愛環玕珍小鳥酬恩亦量力不然覓向鷓一枝道
遙差比槐安國

又自作大鳥篇

寥廓無垠縱大鳥鵬搏萬里曠未了羽族紛紛失沈
洋俯視檐榆一何小大都憑負雲輓高不獨垂天羽
翰矯借問海門與天門誰能空際識分曉絕域居人
迷大觀拾得一毛百夫抵無處堪為貯紛綸不知直
得幾麟豪忽荒已與層霄齊鵬鯤亦豈較多少溟深
萬丈混沌中波濤未免滄桑杳致身虛空無匹倫為
魚翻見不如鳥

